

Кероси хулдлгъиг ясрулхмн

Сарпинск района, Садовое селәнә әмтн гартан суулгъта әс гидж банк, канистр бәрцхәсн, адгълддж йовцхахнъ ўзгдцхәнә.

— Цаатн кероси хулдджану? — гисн ўгмүд әднәс сонъсгдна.

Өдгә цагт эн селәнд кероси хулдлгън — ик төр.

Кероси хулдлг негхн подвал бәәнә. Энүг кезә бәргдсинь багъчуд бәәтхә, медәтә улсин бийснъ чигн медхш. Ягъад гихлә, эн подвал дегд хуучрад, орань кесг газрт цоорад, бахнснъ өмкрәд, одахн нег өнцгнъ нурал ундж одв, ташр игилчкәд дораснъ усн гарна.

Тер учрар хойр частан усиг йўўсн кўн кероситә болдж байрлдж хәрнә. Кероси авх улс, энүнд көдлх зөвтә болдж гарна. Энүнд очереднъ зәрм өдрмүдт зу гар кўн болдж одна. Халунд зәрмдән, өдрин дуусн зогсчкад, керосин уга чигн хәрцхәнә.

Эн тоотиг Садовое сельпон ахлач ўр Долгов медә бәәсн бийнъ төртән авхш.

Садовое селәнд кероси хулдлгъиг шулугъар ясрулх кергтә. Эн наадна төр биш, ола әмтнә сурвр.

НООСТИН Боова.

Садовое селән.